

SASKIBALOIA

Lidergoaren garrantzia

Taugresen Rigan partidu garrantzitsua du gaur

Taugresen lidergoaren garrantziaz pentsatuko du gaur Letonian Broceni Rigari nagusitzeko beharra sinestearren. Bertan Gundars Vetra base bikainarekin egingo du topo eta oztopo izango du Ramon Rivasek Ligako azken partiduan izandako arazo fisikoa.

LUIS KARLOS GARCIA / GASTEIZ

Baskoniak oztopo batzuk izango ditu gaur, baina egia da egun batetik bestera sasoia lortzen ari dela, joan zen ostiralean Araba pabilioian Pamesa taldearen kontra kasu, ofizioa erakutsiz 92-88 irabazi zuela-eta. Taldeak, bada, pilotu automatikoa pizturik darama.

Pamesaren kontrakoak albiste ilunagorik ekarri zuen. Ramon Rivasek bere bizitzako hamakagarren lesioa pairatu zuen eta gaur bertan Rigako kantxan ikusiko dute nola dagoen Taugresen pibot titularra. «Ez zait axola Letonian Rivas barik aritzea baldin eta jokatzeko lesioa larriagotzen badio, zeren ez baita batere erraza Baskoniari Europar irabaztea Rivas gabe izanda ere», esan du Manel Comasek. Nolanahi ere, badirudi jokatu duela.

Egunotako jai kontuak eta biadaia da Baskoniaren beste arazo

bat. Espedizioa atzo gauean heldu zen Letonia aldera nahiko biadaia luzea egin ondoren eta ohi baino denbora gutxiago izan du partidurako girotu eta prestatzeko.

Aurkariei dagokienez, Gundars Vetra da nabarmenena. Broceni taldeko basea NBA aritu zen Minnesotan eta aurtun zoragarri dabil betiko taldean. Adibidez, partiduko 25 puntu egiten ari da ligatxoan eta benetakoa nagusia da Rigakoentzako.

Baskoniak arratsaldeko 5.30etan jokatu du letoniarren pabilioian, aurtun garaipen garrantzitsua ikusi dituen tokian, hain zuzen. Izan ere, ligatxoan Fenerbahceri (85-72) eta Nobilesi (99-92) irabazi die, baina horren aurretik sailkatzeko kanporaketetan Joventuti ere 9 puntuko aldeaz nagusitu zitzaion. Dena den, Taugresen ere, aipatu hiru taldeei nagusitasunez irabazi die aurtun.

LIGATXOA ZEHATZUZ DOA

Gasteizko taldeak B multzoko lidergoa jokoan dauka, behin hurrengo fasera igarotzeko aukera ia guztiz ziurtatu ondoren. Gaur irabaziz gero lehen postua nekez galduko luke ligaxkako bigarren bueltan gauzak normal joanda. Baskoniarentzat, gainera, izugarria izango litzateke lider bukatzea, finalerdietan Greziako Iraklis taldearen aurka joka dezakeelako, balizko ber-



Konfiantza handiz jokatzen ari da Santi Abad azken asteotan.

OLALDE

dinketako partidua Gasteizen izanda eta Baskonia lider izanaz gero.

Broceni-Taugres neurketaz gainera, Benetton eta Fenerbah-

ce taldeek zita garrantzitsua dute gaur, biek ere garaipena besterik ez dutelako behar aukerei eusteko. Turkiarrak Nobiles poloniarren kantxan ariko dira eta italia-

rrak Israelen eta irabaztea ezinbestekoa daukate datorren astean Trevison jokatu den Benetton-Fenerbahce partiduen aurretik.

Hiru partidutik bi garaipen

L.K.G. / GASTEIZ

Taugres-Baskoniak 30 partidu jokatu ditu orain arte 1994-95 denboraldi honetan; horietako 22 ACB Ligari dagozkio eta 8 Europako Kopari. Zenbakiak diotenez, Manel Comasen taldeak jokatuak guztietatik bi heren irabazi ditu (% 66), hots, 20 garaipen eta 10 porrot.


ACB LIGA: porrot gehienak (9) bildu ditu, nahiz eta gaur hilabete egingo duen Ligako neurketarik galtzeko, Unicajaren aurka etxean bertan jasotako astinaldiaz geroztik. Ordutik hona egundoko bilduma bikaina egin du (+5) —Barcelonak eta Zaragozak +7 dute aurtengo seriek onena—. Hala ere, hasiera erabat kaskarra izan zen: irailean, urrian eta azaroan garaipen beste porrot lortu zuen (8), eta abenduan 5 irabazi zituen.

EUROPA: izugarri ondo doa Europako Kopan. Behin bakarrik galdu du, Hapoel Jerusalem taldearen kontra urriaren amaieran; porrota, ordea, arriskutsuena zen, ligatxo jokatzeko kanporaketako lehen partidua izaki. Akatsak akats, gainontzekoa txapeldunen pare gertatu da, 7 garaipenetako batzuk Benetton bezalako taldeen aurka izan dira-eta. Taugresen, bestalde, joan zen abenduaren hasieran bi urte bete zituen Europar etxeko partidurik galdu gabe. Marka esanguratsua benetan.

JOERA: irailetik abendura bitarteko joerak, Liga eta Europa baturik, ezin hobe ikustarazi du taldearen susperraldia. Baskoniak hobera egin du asteak igaro ahala eta abenduan 'bikain altua' nota dauka % 87 garaipen tasa lortuta. Hori bai, Josean Kerejeta Saski Baskoniako lehendakari

TAUGRESEN GARAIPEN TASA DENBORALDI HONETAN

TOTALA
Irabazi: 20
Galdu: 10




Orotara

Irabazi: 3 Galdu: 3

IRAILA

	Liga 5 partidu	Europa partidu 1
Irabazi	2	1
Galdu	3	-




Orotara

Irabazi: 6 Galdu: 4

URRIA

	Liga 8 partidu	Europa 2 partidu
Irabazi	5	1
Galdu	3	1




Orotara

Irabazi: 4 Galdu: 2

AZAROA

	Liga 3 partidu	Europa 3 partidu
Irabazi	1	3
Galdu	2	-



Orotara

Irabazi: 7 Galdu: 1

ABENDUA

	Liga 6 partidu	Europa 2 partidu
Irabazi	5	2
Galdu	1	-

J. APEZTEGIA

eta jokalarien nagusiak Unicajaren kontra galdutakoan bota zuen mehatxua (soldatetik dirua murrizteko asmoa porrot kopuraren arabera) gakoia izan da joera

ona adierazteko.

URTARRILA: guztiz garrantzitsua izango da joerari eusteko. Ligan Valvi, Joventut, Real Madrid eta San Fernando izango di-

tu aurkari; teoriarik madrildarrena baino ez luke porrota izan behar. Europar ligatxoan falta den ia guztia jokatu du, multzoko lider bukatzeko helburuz.